



TEKS UCAPAN ALUAN
YS PPjB MOHD PISAR BIN AZIZ
PENGARAH JBPM NEGERI MELAKA

SEMPENA
PROGRAM IHYA' RAMADAN 1446H JABATAN BOMBA DAN
PENYELAMAT MALAYSIA NEGERI MELAKA BERSAMA TYT
TUN SERI SETIA DR. HAJI MOHD ALI BIN MOHD RUSTAM,
YANG DI PERTUA NEGERI MELAKA

PADA
10 MAC 2025 (ISNIN)

MASA
6.00 PETANG

TEMPAT
BALAI BOMBA DAN PENYELAMAT JASIN BESTARI, MELAKA



Assalamualaikum Warahmatullahi Wabarakatuh,

Yang Dikasihi,

Tuan Yang Terutama Tun Seri Setia Dr. Haji Mohd Ali bin Mohd Rustam,

Yang di-Pertua Negeri Melaka

1. Saya dan semua yang hadir pada pagi ini serta seluruh warga bomba Melaka merakamkan ucapan terima kasih dan setinggi-tinggi penghargaan kepada Tuan Yang Terutama Tun Seri Setia Dr. Haji Mohd Ali bin Mohd Rustam, di atas kesudian hadir pada **Program Ihya' Ramadan 1446H Jabatan Bomba Dan Penyelamat Malaysia Negeri Melaka Bersama Tuan Yang Terutama Tun Seri Setia Dr. Haji Mohd Ali Bin Mohd Rustam, Yang Di Pertua Negeri Melaka pada tahun ini.**
2. Sesungguhnya kehadiran Tuan Yang Terutama Tun Seri Setia di majlis ini telah membuka satu lagi catatan sejarah di Negeri Melaka dan membawa makna dan pengertian besar kepada kami. Perhatian Tuan Yang Terutama Tun Seri Setia, dalam hal ehwal pentadbiran negeri khususnya di dalam pencegahan dan keselamatan kebakaran amat membanggakan kami rakyat Negeri Melaka. Semoga dengan kesudian Tuan Yang Terutama Tun Seri

Setia di majlis ini akan menyemarakkan lagi semangat warga bomba Melaka untuk bekerja lebih berdisplin dan gigih dalam menjalankan tugas.

Tuan Yang Terutama Tun Seri Setia, Saya Memohon Izin Untuk Menyampaikan Ucapan Kepada Dif-Dif Jemputan Serta Para Hadirin Di Majlis Yang Berbahagia Ini.

Terima kasih Saudara dan Saudari Pengacara Majlis, PPgB Seri Tuti Hadayani Binti Salleh dan PBK II (KUP) Mohamad Safiee bin Mohamad Masrom dan terima kasih juga kepada al-Fadhil TPgB II Kamaruddin bin Mustafa, yang telah membacakan doa, memohon rahmat Allah ke atas majlis pada hari ini.

Assalamualaikum WBT,

Salam Jabatan Bomba dan Penyelamat Malaysia, Berprestasi

Tinggi, Cepat dan Mesra,

Salam “Melakaku Maju Jaya, Rakyat Bahagia, Menggamit Dunia”

Bijak Laksana Tuah, Berani Laksana Jebat,

Salam Malaysia Madani,

YAB Datuk Seri Utama Ab Rauf Bin Yusoh,

Ketua Menteri Melaka

YB Dato' Azhar bin Haji Arshad

Setiausaha Kerajaan Negeri Melaka

YB Datuk Rais Bin Datuk Wira Yasin

EXCO Kanan Perumahan, Kerajaan Tempatan,

Saliran, Perubahan Iklim Dan Pengurusan Bencana Negeri Melaka

YB Datuk Haji Zulkifli bin Datuk Seri Mohd Zin

Timbalan EXCO Kanan Perumahan, Kerajaan Tempatan Saliran,

Perubahan Iklim dan Pengurusan Bencana Negeri Melaka

YAS Othman Bin Abdullah,

Timbalan Ketua Pengarah (Pembangunan),

Jabatan Bomba dan Penyelamat Malaysia

PgKB 1, R. Saiful Iswandy bin R Hasan

Timbalan Pengarah, Jabatan Bomba dan Penyelamat Malaysia

Negeri Melaka

Penolong-penolong Pengarah Bahagian, Ketua-ketua Zon, Ketua-ketua Balai Bomba,

Pegawai-Pegawai Kanan Jabatan Bomba Dan Penyelamat Malaysia, Negeri Melaka,

Yang Berusaha Pengerusi PERISMA dan Barisan Jawatankuasa PERISMA Negeri Melaka

Barisan Jawatankuasa Persatuan Pesara Pegawai Bomba Negeri
Melaka

Tetamu-tetamu Kehormat,

Para Penyumbang yang budiman,

Anak-anak yatim dan asnaf yang diraikan,

Rakan-Rakan Media, Tuan-Tuan dan Puan-Puan Yang Dihormati
Sekalian,

3. Alhamdulillah, marilah kita bersama-sama memanjatkan rasa syukur ke hadrat Allah SWT kerana dengan limpah kurnia-Nya, kita dapat berkumpul pada petang yang penuh keberkatan ini dalam **Program Ihya' Ramadan 1446H Jabatan Bomba Dan Penyelamat Malaysia Negeri Melaka Bersama Tuan Yang Terutama Tun Seri Seti Setia Dr. Haji Mohd Ali Bin Mohd Rustam, Yang Di Pertua Negeri Melaka.**

4. Saya ingin merakamkan setinggi-tinggi penghargaan dan ucapan terima kasih kepada YAB Datuk Seri Utama Ab Rauf bin Yusoh, Ketua Menteri Melaka, kerana sudi menerima undangan kami dan meluangkan masa bersama pada petang ini.

5. Saya juga ingin mengalu-alukan kehadiran Tuan Yang Terutama Tun Seri Setia Dr. Mohd Ali bin Mohd Rustam, Yang di-Pertua Negeri Melaka, YAB Datuk Seri Utama Ab Rauf bin Yusoh, Ketua Menteri Melaka, dan semua jemputan, selamat datang di Balai Bomba dan Penyelamat Jasin Bestari ini. Kehadiran Tuan Yang Terutama Tun Seri Setia dan YAB Ketua Menteri amatlah bermakna dan menjadi penyuntik semangat bagi kita semua, khususnya warga JBPM Negeri Melaka.

Merah menyala si buah ceri,

Sungguh cantik berseri-seri;

Terima kasih ucapan diberi,

Kerana TYT Tun dan YAB Ketua Menteri sudi datang ke mari.

6. Setinggi-tinggi penghargaan juga diucapkan kepada para penyumbang yang telah bermurah hati dalam memberikan sumbangan kepada anak-anak yatim dan asnaf. Sumbangan yang diberikan ini pastinya membawa kebahagiaan dan keceriaan kepada mereka, lebih-lebih lagi dalam bulan yang penuh keberkatan ini. Keprihatinan serta kemurahan hati tuan-tuan dan puan-puan amatlah dihargai dan semoga segala amalan kebajikan ini mendapat ganjaran yang berlipat kali ganda di sisi Allah SWT.

YAB Datuk Seri Utama, Datuk-datuk, Tuan-tuan dan puan-puan yang dihormati,

7. Dalam kesempatan ini, izinkan saya mengimbau satu kejadian menyayat hati yang berlaku pada bulan Februari lalu di Kampung Berangan Umbai, di mana lima sekeluarga telah terkorban dalam insiden kebakaran yang amat tragis. Kami di JBPM Negeri Melaka amat berdukacita atas kejadian ini dan ingin menyampaikan ucapan takziah kepada seluruh ahli keluarga mangsa. Kami juga ingin menzahirkan penghargaan kepada Tuan Yang Terutama Tun Seri Setia Dr. Mohd Ali bin Mohd Rustam dan Yang Amat Berhormat Datuk Seri Utama Ab Rauf bin Yusoh yang telah turun padang bagi menziarahi dan menyantuni keluarga mangsa. Keprihatinan ini amat dihargai dan menjadi bukti kepimpinan yang sentiasa dekat dengan rakyat.

8. Marilah kita sama-sama mengambil iktibar daripada kejadian ini dan terus berusaha untuk meningkatkan kesedaran serta langkah-langkah keselamatan kebakaran dalam komuniti kita. Keselamatan nyawa dan harta benda adalah tanggungjawab bersama, dan kami di Jabatan Bomba dan Penyelamat Melaka akan terus komited dalam memastikan keselamatan semua pihak.

YAB Datuk Seri Utama, Datuk-datuk, Tuan-tuan dan puan-puan yang dihormati,

9. Tidak lupa, ucapan terima kasih kepada semua para tetamu yang hadir serta kepada seluruh warga Bomba Melaka yang telah bertungkus-lumus dalam menjayakan majlis ini. Semoga keberkatan Ramadan ini membawa keberkatan dan kesejahteraan kepada kita semua.
10. Akhir kata, marilah kita sama-sama berdoa agar Ramadan ini menjadi satu madrasah tarbiah untuk kita memperbaiki diri, meningkatkan amal ibadah, dan memperkukuhkan hubungan sesama insan. Mudah-mudahan, Allah SWT memberkati usaha dan niat murni kita semua. Selamat berbuka puasa dan semoga kita semua terus dirahmati serta diberkati dalam bulan Ramadan yang mulia ini.

***Rumah terbakar panggil bomba,
Bomba datang berlumba-lumba,
Silap dan salah menyusun kata,
Ampun dan maaf pohon dipinta,***

Sekian, saya sudahai dengan Wabillahitaufik Walhidayah,
Wassalammulaikum W.B.T.

Terima kasih